

NORMAS DA SECCIÓN DE TRIATLON DO CENTRO GALEGO DE TECNIFICACIÓN

OBRIGAS E DEBERES:

1. COMPETICIÓNS:

- Asistir ás competicións, concentracións ou calquera outro evento marcado pola Federación.
- Como norma xeral, os/as deportistas deberán asistir de forma obrigatoria a:
 - Campionatos galegos de tódalas modalidades recollidas por esta Federación coas súas probas clasificatorias se procede.
 - Concentración de Semana Santa e outras propostas ó longo do curso dependendo do calendario de competicións.
 - Campionatos de España de Duetlón e Tríatlon.
- Todas aquelas competicións na medida en que sexan consideradas relevantes (por parte do persoal técnico da FEGATRI) para a preparación do/a deportista.
- Non está permitido asistir a ningún tipo de competición sen o visto bo dos técnicos responsables.
- O/A deportista comprométese nos períodos de non permanencia no CGTD a manter o seu estado de forma ata final de tempada ou no seu defecto ata a competición marcada pola FEGATRI, seguindo as pautas marcadas polos adestradores.

2. ADESTRAMENTOS:

- Será obriga do/a deportista chegar con antelación suficiente ós adestramentos para ter preparado o material necesario á hora marcada polo persoal técnico.
- Calquera falta de asistencia a un adestramento deberá de ser comunicada con antelación ó adestrador e ter o seu visto bo.

3. INDUMENTARIA:

- Revisar o estado do material entregado nos primeiros días de curso, comunicando calquera problema que se detecte no mesmo.
- O material facilitado é de uso persoal e intransferible, sendo responsable cada deportista da súa custodia e coidado ata o día que sexa devolto.
- Asistir ás competicións coa indumentaria correspondente (mono, chándal, camiseta, bermudas ...) non estando permitido o seu uso en outro ámbito que non sexan as competicións, o CGTD ou actos de representación federativa nos que será sempre obrigatorio usar a súa imaxe.
- Responsabilizarse e coidar todo o material cedido para os seus adestramentos, incluso repoñéndoo de ser o caso.

4. LICENCIAS:

- Tódolos/as deportistas deberán de ter licenza en vigor dende o 1º de xaneiro, sendo unicamente a súa responsabilidade que esta sexa tramitada en tempo e forma dende o seu club.
- Non está permitido tramitar ningunha licenza doutra modalidade deportiva sen previo consentimento desta Federación (deberá ser solicitado).
- Será obrigatorio estar en posesión da licenza federativa de Tríatlón pola Federación Galega e a través dun Club Galego. Non se permite o cambio dun club a outro salvo acordo de ambos durante o goce de beca no CGTD (caso contrario, pasará a ser independente durante unha tempada).

5. OUTROS:

- Manter hábitos saudables tanto durante o tempo de permanencia no CGTD como nos períodos festivos ou vacacionais.
- Respeitar escrupulosamente as normas de réxime interno do CGTD.
- Levar o curso académico con esmero e suficiencia.
- Un interno, en ningún caso, poderá pasar a ser externo no transcurso dunha mesma tempada. No caso de tomar esa decisión unilateral, causará baixa na sección.

* Estas obrigas complementan as normas marcadas polo CGTD en canto a dereitos e deberes dos/as deportistas. A Federación e o seu equipo técnico están a disposición do deportistas para calquera dúbida ou aclaración.

* As desobediencias destas normas (unha ou varias) poderán levar á baixa no CGTD.

O/A DEPORTISTA RECIBE O PRESENTE ESCRITO E COMPROMÉTESE A CUMPRIR COAS NORMAS ESTABLECIDAS DURANTE O DISFRUTE DA SÚA BECA NA SECCIÓN DE TRIATLON DO CGTD.